

Հայտերի ընդունման հայտարարություն.

Մեդիանյութերի արտադրության դրամաշնորհի Հայաստանի մարզային մեդիաընկերություններին

Այս փաստաթղթի հայերեն տարբերակը տրամադրվում է որպես հավելյալ տեղեկություն դիմումատուի համար: Ցանկացած անհամապատասխանության դեպքում կգերակայի անգլերեն տարբերակը:

1. Ծրագրի համառոտ նկարագիրը

Դոյչե Վելլե Ակադեմիայի, Բրիտանական հեռարձակման կորպորացիայի Մեդիա Էքշն ծրագրի (Բի-բի-սի), Բաց Հասարակության ինստիտուտի օժանդակության հիմնադրամի Հայաստանյան մասնաճյուղի և հայկական երկու՝ Հետք և Ֆակտոր, մեդիաընկերությունների կոնսորցիումը պարզևատրվելով Եվրոպական Հանձնաժողովի կողմից, ԵՄ համաֆինանսավորմամբ իրականացնում է «Եվրոպական մեդիահարթակ Հայաստանում. հուսալի և պրոֆեսիոնալ լրատվամիջոցների կառուցում» ծրագիրը: Ծրագրի գլխավոր նպատակն է Հայաստանում զարգացնել կենսունակ մեդիա ոլորտ՝ աշխատելով մեդիա մենեջերների, անկախ լրագրողների, համապետական և մարզային մեդիաների ներկայացուցիչների, ինչպես նաև ժուռնալիստիկայի ֆակուլտետներում սովորող ուսանողների հետ:

Ծրագրի մասին լրացուցիչ տեղեկություններ ստանալու համար այցելել մեր [կայք](#):

2. Հայտերի ընդունման առաջնահերթությունները

Ծրագիրը ֆինանսական օժանդակություն կտրամադրի Հայաստանյան 5 մարզային լրատվամիջոցների (հեռուստատեսություն, ռադիո, առցանց և տպագիր մամուլ)՝ հնարավորություն տալով ստեղծել մեդիա կոնտենտ մարզային հետաքրքրության առանցքային թեմաներով: Առաջնահերթությունը կտրվի առցանց լրատվամիջոցներին, որոնք լուսաբանում են հեռավոր բնակավայրերի խնդիրները, և այն լրատվամիջոցներին, որոնք աջակցում են կին լրագրողներին:

3. Մասնակցության պահանջներ

Կազմակերպության մակարդակում պահանջները հետևյալն են.

- Ծրագրի նպատակների իրագործման հանձնառություն:
 - շարունակական զարգացման և կատարելագործման ձգտում
 - իգական սեռի թեկնածուների, ինչպես նաև հաշմանդամություն ունեցող անձանց համարժեք ներգրավվածության ապահովում
- Կայունություն.
 - ծրագրի ավարտից հետո մասնակիցների հետ կապ պահպանելու պատրաստակամություն
 - համապատասխան թեմաների շարունակական լուսաբանում
- Կազմակերպության արժեքներ.
 - թափանցիկություն և հաշվետվողականություն
 - ապաքաղաքականություն և չեզոքություն
 - լրագրողական էթիկա

4. Առաջարկվող ծրագրերի և գործողությունների շրջանակ

Առաջարկվող ծրագրերը պետք է.

- Նպաստեն կազմակերպության գործող ծրագրերի հաջող իրականացմանը,
- Ներառեն մեդիա բովանդակության ստեղծում՝ առցանց կամ սոցիալական մեդիա բովանդակության, ռադիոնյութերի/փողքապթերի, տեսանյութերի կամ հեռուստատեսային նյութերի տեսքով:
- Առնչվեն հետևյալ թեմաներին՝
 - բնապահպանություն և կլիմայական փոփոխություններ,
 - մարդու իրավունքների պաշտպանություն,
 - գենդերային հավասարություն,
 - հակախտրականություն և մարգինալացված խմբերի իրավունքներ,
 - հակամարտություններ,
 - կամ այլ սոցիալական զգայուն թեմաներ

5. Ովքեր կարող են հայտ ներկայացնել

Հայտ ներկայացնելու համար դիմումատուն պետք է.

1. Լինի ՀՀ-ում գրանցված իրավաբանական, անկախ ոչ-առևտրային կամ մեդիա կազմակերպություն,
2. Գործի մայրաքաղաքից դուրս և ունենա մարզային գրասենյակ,
3. Ունենա նվազագույնը 2 տարվա գործունեության փորձ՝ գրանցման օրվանից սկսած
4. Ունենա հաշվապահական հաշվառման հստակ համակարգ և ընթացակարգ, ներառյալ ֆինանսական գործարքների պատշաճ փաստաթղթավորումը

Առաջնահերթություն կտրվի այն լրատվամիջոցներին, որոնք հեռավոր բնակավայրերում լուսաբանում են հասարակությանն առնչվող թեմաներ և աջակցում են կին լրագրողներին:

6. Ընդունելի ծախսեր.

- Անձնակազմի ծախսեր
- Սարքավորում (միայն փոքր իրեր, օրինակ՝ տեսախցիկ, բարձրախոս և նմատախյ սարքեր)
- Տպագրական ծախսեր, օրինակ՝ դիզայն, տպագրություն
- Վարձավճարներ անկախ և քաղաքացիական լրագրողների, մասնակից ուսանողների և խորհրդատուների համար (վճար/օրավարձ)

7. Ֆինանսական աջակցության ծավալը

Յուրաքանչյուր հաջողակ դիմումատու կստանա առավելագույնը 4,000 եվրոյի չափով դրամաշնորհ:

8. Ֆինանսական աջակցության տրամադրման վայրը և ժամանակացույցը
Ֆինանսական աջակցության համար հայտադիմում ներկայացնող մեդիա ընկերությունները պետք է տեղակայված լինեն ՀՀ մարզային, գերադասելի է հեռավոր շրջաններում: Ֆինանսական աջակցությունը կտրամադրվի 2023թ հունիսի 1-ից մինչև 2023թ օգոստոսի 31-ն ընկած ժամանակահատվածի համար: Ֆինանսական աջակցությունը կտրամադրվի մեկ փուլով (մանրամասները կներառվեն պայմանագրում)՝ ծրագրի արդյունքների և հաշվետվությունների ստացման ժամանակացույցի համապատասխան: Դրամաշնորհառուն պետք է ներկայացնի վերջնական հաշվետվությունը ծրագրի ավարտից ամենաուշը 15 օր հետո (ոչ ուշ քան 15.09.2023):

9. Դիմումների քանակը և դրամաշնորհի չափը

Յուրաքանչյուր դիմումատու կարող է ներկայացնել ընդամենը մեկ հայտ:

Դրամաշնորհի չափը չպետք է գերազանցի 4 000 եվրոն: Կազմակերպությունները, որոնք ֆինանսական աջակցություն են ստացել Եվրոպական մեդիահարթակ Հայաստանում ծրագրի նախորդ 2 դրամաշնորհային հայետերից մեկի շրջանակում, **կարող են կրկին դիմել՝** մշակելով նոր բովանդակությամբ նոր նախագիծ, որը ցանկալի է, որ հիմնված լինի առաջին ֆինանսավորման արդյունքում քաղված դասերի և կարողությունների վրա:

10. Ֆինանսական աջակցություն ստանալու համար դիմելու անհրաժեշտ փաստաթղթեր

Հայտը պետք է գրված լինի անգլերեն կամ հայերեն: Ձեռագիր գրված հայտադիմումները չեն դիտարկվի: Դիմումը չպետք է գերազանցի 4 էջը:

Անհրաժեշտ փաստաթղթերի ցանկ՝

- Հավելված I՝ դիմում (օգտագործել տրամադրվող ձևանմուշը)
- Բյուջե (ձևանմուշ չի տրամադրվում)

Դիմումատուն էլեկտրոնային փոստով հայտադիմումին և լրացուցիչ հավելվածներին կից պետք է ուղարկի նաև ներքոնշյալ բնօրինակ փաստաթղթերի պատճեններ (սքան կամ ֆոտոտարբերակով).

1. Գրանցման վկայական
2. Վերջին տարեկան ֆինանսական հաշվետվություն
3. Երկու կամ երեք հաջողված աշխատանքի (նախագիծ, հողված, ռեպորտաժ, և այլն) օրինակ (ձևանմուշ չի տրամադրվում)

11. Կեղծիքի և կոռուպցիայի կանխարգելում, բողոքների բավարարման մեխանիզմ

Դոյչե Վելլե Ակադեմիան որդեգրել է խարդախության և կոռուպցիայի նկատմամբ զրոյական հանդուրժողականության քաղաքականություն և իր աշխատակազմից ու գործընկերներից ակնկալում է ազնիվ և նվիրված գործունեություն:

Այս նպատակին հասնելու համար մենք պատրաստ ենք.

- Մշակել, կիրառել և հետևողականորեն իրականացնել արդյունավետ վերահսկողություն բոլոր մակարդակներում
- Համոզվել, որ կոռուպցիայի կամ խարդախության առաջացման դեպքում կկատարվի արագ և համապարփակ հետաքննություն, որի արդյունքներն ըստ անհրաժեշտության կհաղողվեն շահագրգիռ կողմերին
- Անհրաժեշտ դեպքերում ձեռնարկել համապատասխան կարգապահական իրավական գործողություններ
- Ցանկացած տեսակի ֆինանսական կորուստները վերականգնելու համար ձեռնարկել հնարավոր բոլոր ողջամիտ քայլերը
- Նմանատիպ կոռուպցիոն դեպքերը կանխարգելելու նպատակով վերանայել համակարգերն ու ընթացակարգերը
- Հավաստիանալ, որ հետագա ծրագրերի պլանավորման ընթացքում հաշվի կառնվեն բոլոր կոռուպցիոն ռիսկերը

Բողոքների բավարարման վստահելի համակարգը երաշխավորում է, որ դիմումատուները և դրամաշնորհատուները կարող են արտահայտել իրենց մտահոգությունն ու կասկածները կապված ցանկացած տեսակի անօրինական գործողության հետ՝ նամակ ուղարկելով dw-Akademie.complain@dw.com էլեկտրոնային հասցեին:

Այս էլեկտրոնային հասցեն պատկանում է Գերմանիայում Դոյչե Վելլե Ակադեմիայի գլխամասային գրասենյակին, որտեղ բողոքների բավարարման հարցերով զբաղվող թիմը կնախաձեռնի խնդրի լուծման հետագա քայլերը: Այսպիսով, յուրաքանչյուր դիմումատու կամ դրամաշնորհատու հնարավորություն կունենա կոնֆիդենցիալ (զաղտնի) կերպով լուծելու ցանկացած տեսակի հարց:

12. Պարզաբանում ստանալու համար ներկայացվող հայց

Դիմումատուն իրավունք ունի պարզաբանում ստանալու համար հարց ներկայացնել հետևյալ էլ.փոստին dw-akademie.armenia@dw.com: Բոլոր հարցերի պատասխանները կամփոփվեն առցանց հարթակում ծրագրի համար բացված ընդհանուր փաստաթղթում, ինչպես նաև էլեկտրոնային փոստով կուղարկվեն բոլոր դիմումատուներին մինչև վերջնաժամկետը:

Հավասար մրցակցություն ապահովելու համար Դոյչե Վելլե Ակադեմիան առանձին ծրագրերի վերաբերյալ նախնական կարծիք չի արտահայտվի: Իր սեփական նախաձեռնությամբ դրամաշնորհ հայտարարող կողմը կարող է շահագրգիռ կողմերին տեղեկացնել համապատասխան կայքում տեղադրված մրցույթի հայտարարության տեքստում ցանկացած տեսակի սխալի, անճշտության կամ բացթողման մասին: Վերջնաժամկետը լրանալու պահից ի վեր դիմումի տեքստում ոչ մի փոփոխություն չի թույլատրվում: Որոշակի կետեր հստակեցնելու կամ աղմուկն ստրատիվ սխալներ շտկելու անհրաժեշտության դեպքում դրամաշնորհ հայտարարողը կարող է դիմել դիմումատուին միայն գնահատման գործընթացում: Որպես կանոն, վերջինն արվում է էլեկտրոնային փոստով: Տրամադրվող բոլոր կոնտակտային տվյալների ճշգրտության ու գործունակության պատասխանատվությունը կրում է բացառապես դիմումատուն: Կոնտակտային տվյալների որևէ փոփոխության դեպքում անհրաժեշտ է վերոնշյալ էլեկտրոնային հասցեին նամակ ուղարկելով տեղեկացնել նոր տվյալների մասին: Ընտրական գործընթացի արդյունքները գրավոր կերպով կհաղորդվեն դիմումատուներին: Դիմումների ներկայացման վերջնաժամկետն ու հետագա ընթացակարգերը:

13. Դիմումների վերջնաժամկետ և ընթացակարգ

Դիմումը և բյուջեն, ինչպես նաև աջակցող փաստաթղթերը (գրանցման վկայական, տարեկան ֆինանսական հաշվետվություն, իրականացվող ծրագրերի ցանկ պետք է ուղարկել էլեկտրոնային նամակով:

Տրամադրվող ձևանմուշներն այստեղ՝ <https://share.ard-zdf-box.de/s/3SRG8r7RAzd9CND>



Դիմումի ներկայացման վերջնաժամկետ՝ 05.05.2023թ. Դիմումների փաթեթները կարող են ուղարկվել հետևյալ էլեկտրոնային հասցեին՝ dw-akademie.armenia@dw.com

14. Դիմումների գնահատման և ընտրության կարգ

Ֆինանսական աջակցությունը մրցութային կարգով կտրամադրվի 5 մարզային լրատվամիջոցների: Ընտրական հանձնաժողովը կազմված կլինի Դոյչե Վելլե Ակադեմիայի և գործընկեր կազմակերպությունների երկուական ներկայացուցչից (1 ծրագրի ղեկավար և 1 ծրագրի տնօրեն), ովքեր կհաստատեն ֆինանսական աջակցությունը: Հայտերը կդիտարկվեն ըստ նախօրոք հայտարարված չափանիշների: Ամենաբարձր գնահատական ստացած նախագծերը կպարզևատրվեն: Հայտերը կդիտարկվեն երկու փուլով՝ ադմինիստրատիվ ստուգում և հայտի գնահատում: Եթե որևէ չափանիշ ադմինիստրատիվ ստուգման բաժնում չի համապատասխանում, ապա դիմումը կմերժվի՝ միայն այդ կետից ելնելով: Հայտի գնահատման փուլում յուրաքանչյուր ենթաբաժնին կտրվի 1-ից մինչև 4-ը սահմանված միավոր՝ հետևյալ կերպ. 1=թերի է; 2=համապատասխանում է; 3=լավ է; 4=շատ լավ է:

1. ԱԴՄԻՆԻՍՏՐԱՏԻՎ ՍՏՈՒԳՈՒՄ	Այո/ ոչ
1.1 Հայտը ներկայացվել է սահմանված ժամկետում	
1.2 Հայտատուն բավարարում է դիմումատուի չափանիշներին	
1.3 Օժանդակող փաստաթղթերը ներկայացվել են	
2. ԴԻՄՈՒՄԻ ԳՆԱՀԱՏՈՒՄ	Ենթանիշ
2.1 Առաջարկի համապատասխանությունը նախագծին	Առավելագույնը 4
2.2 Մասնակցության շարժառիթը	Առավելագույնը 4
2.3 Կոնտենտի ստեղծման համար գաղափարների որակ/արդիականություն	Առավելագույնը 4
2.4 Գործողությունների իրականացման ընթացքում առաջացող հնարավոր ռիսկեր և դրանք մեղմացնող միջոցառումներ	Առավելագույնը 4

Դիմումատուի հաստատումից հետո ընտրական հանձնաժողովը և ֆինանսական վարչակազմը կմշակեն դրամաշնորհի պայմանագիրը՝ համաձայնեցված ժամկետներով և ֆինանսավորմամբ:

15. Ֆինանսական աջակցության տրամադրման ժամանակացույց

Հայտերի ընդունման հայտարարություն	25.04.2023թ.
Հայտերի ընդունման վերջնաժամկետ	05.05.2023թ.
Հայտերի գնահատում	05. – 15.05.2023թ.
Գնահատման արդյունքների վերաբերյալ ծանուցում դիմումատուին	16.05.2023թ.
Ընտրված դիմումատուների հետ պայմանագրի կնքում	27.05.2023թ.
Ծրագրի իրականացման մեկնարկ	01.06.2023թ.
Ծրագրի իրականացման ավարտ	31.08.2023թ.
Վերջնական հաշվետվություն	15.09.2023թ.

16. Անձնական տվյալների պաշտպանություն

Ցանկացած անձնական տվյալ կօգտագործվի բացառապես սույն հայտի կատարման, կառավարման և մոնիթորինգի նպատակներով, ինչպես նաև կարող է փոխանցվել Եվրոպական Միության օրենսդրությամբ նախատեսված մոնիթորինգի կամ վերահսկման աշխատանքներ իրականացնող մարմիններին: Դիմումատուն(երը) ունի իր անձնական տվյալների հասանելիության և վերջիններս շտկելու իրավունք: Անձնական տվյալների մշակման հետ կապված որևէ հարց ունենալու դեպքում, դիմումատուն կարող է հարցերն ուղղել Դոյչե Վելլեին:

Դիմումատուն(երը) սույն դիմումի մեջ պետք է ներկայացնի համապատասխանող անձնական տվյալներ՝ համաձայն անձնական տվյալների պաշտպանության մասին ԵՄ և ազգային օրենսդրության (ներառյալ թույլտվությունները կամ ծանուցման պահանջները):

Դիմումատուն(երը) պետք է սահմանափակի անձնական տվյալների հասանելիությունը՝ դրանք օգտագործելով սույն պայմանագրի կատարման, կառավարման և մոնիթորինգի համար խիստ անհրաժեշտ դեպքերում, ինչպես նաև ընդունի անվտանգության բոլոր համապատասխան տեխնիկական և կազմակերպչական միջոցները:

17. Հավելվածների ցանկ

Հավելված I: Դիմումի ձև